

# Кітапхана жастармен бірге

**Елбасымыздың «Ұлы даланың жеті қыры» мақаласында «Қазақстан – күллі түркі халықтарының қасиетті «Қара шаңырағы» - делінген. Осы киелі қара шаңырақта сақталған құндылығымызды қадірлеп, оны қазіргі талаптарға сай жаңғыртып, келер ұрпаққа жеткізу бүгінгі күннің маңызды мәселесі болып табылады.**

Елбасының сарабал саясатын насихаттауға кітапхана қызметкерлерінің қосатын үлесі зор. Соның бірі жуықта Облыстық №2 әмбебап ғылыми кітапханасында әдістеме-библиография бөлімінің ұйымдастыруымен заманауи кітапхана жұмысын жүйелеп, іс-тәжірибе алмасып, кәсіби байланыстар мен ынтымақтастықты нығайту мақсатында «Жастар тоғысы кітапхана кеңістігінде» атты аймақтық зерделі кеңес өткізілді.

Шараға Аманкелді, Жанкелдин аудандары мен Арқалық қалалық орталықтандырылған кітапхана жүйесі және қаламыздағы Жастар ресурстық орталығы мамандары, оқу орындары кітапханаларының директорлары мен кітапхана қызметкерлері қатысты.

Зерделі кеңес Арқалық қаласы әкімдігі ішкі саясат бөлімінің басшысы Мәнсия Кәрімқызының 21 мамыр – Мәдениет және өнер қызметкерлері күніне орай берілген ҚР Ұлттық кітапхана-

ның марапаттарын табыстау рәсімімен басталды.

Кітапхана саласында көп жыл еңбек етіп жүрген кітапхана директоры Қазына Байсабекқызы «Кітапхана ісінің үздігі» және Жаңақала ауылының кітапханашысы Айткүл Әмірхамзақызы «Кітапхана ісінің ардагері» төс белгісімен, Жанкелдин ОКЖ кітапханашысы Венера Чапайқызы мен Қайыңды ауылының кітапханашысы Гүлайым Оразқызы «Құрмет грамотасымен», Облыстық №2 әмбебап ғылыми кітапханасының әдебиеттерді оңдеу және толықтыру секторының меңгерушісі Әсел Түйкқызы және Жанкелдин ОКЖ библиографы Майра Бағдақызы «Алтын хатпен» марапатталды.

Кеңесте жас кітапханашылар баяндама жасау арқылы өзіндік іс-тәжірибелерімен бөлісті. Арқалық жастар ресурстық орталығының басшысы Аманкелді Ахметжанов «Жастар жылы – жаңа мүмкіндіктер кезеңі», Арқалық қаласы жастарының Алтын кітабына «Жастар көшбасшысы» номинациясы бойынша енген Арқалық жастар ресурстық орталығының маманы Дүйсен Қуанышбекұлы «Болашаққа – үміт, жастарға сенім», №2 ОӘГК балалар бөлімінің кітапханашысы Марал Әскербайқызы «Ақпараттық қоғамдағы кітапхана - шектеулі мүмкіндікке шекарасыз қызмет түрі», Аманкелді ОКЖ-ның балалар бөлімінің кітапханашысы Таңшолпан Оразбекқызы «Бүгінгі кітапхананың жастармен байланысы», Жанкелдин ОКЖ-ның сұрыптау бөлімінің кітапханашысы Дидар Дәулетқызы «Өркениетті елдің ер-

теңі», Арқалық ОКЖ балалар бөлімінің кітапханашысы Қырмызы Шаттықызы «Қазіргі заман жастарын тәрбиелеуде кітапхананың ролі», №2 ОӘГК абонемент бөлімінің кітапханашысы Сымбат Мұратқызы «Кітапхана – жалынды жастар орталығы», Арқалық қаласы жастарының Алтын кітабына «Жас ғалым» номинациясы бойынша енген Арқалық көпсалалы колледжінің студенті Ерасыл Мейрамханұлы «Болашақ білімді жастар қолында» тақырыбында баяндамалар оқыды. Одан кейін «Кітапхананың болашағы жастарда» атты дөңгелек үстел ұйымдастырылып, кітапханашылар кәсіби шеберліктерін ортаға салып, білгенімен бөлісіп, өзара ашық әңгіме болды.

Зерделі кеңестің 2 -ші бөлімінде кеңеске қатысушылар Арқалық қаласындағы «Облыстық Дала өлкесі тарихы» мұражайына және Арқалық орталықтандырылған кітапханасына саяхат жасап, аталған кітапхананың оқу залы бөлімінің кітапханашысы Жаңагүл Серікқызының «Ұлт келбеті – жалынды жастар» тақырыбында ұйымдастырылған кітап көрмесінің ашылу салтанатының куәсі болды. Кеңеске қатысушылар осы тағылымы мол іс-шарадан алған әсерлерімен бөлісіп, ризашылықтарын білдірді. Кітапханамызда осындай мәдени іс-шаралар алда да өз жалғасын таппақ.

**Әсем ҚАБДУАЛИҚЫЗЫ,  
№2 ОӘГК  
Әдістеме-библиография  
бөлімінің меңгерушісі.**

